

四庫全書

集部

欽定四庫全書

集部  
稼軒詞卷三

詳校官中書<sub>臣</sub>呂光復

侍讀<sub>臣</sub>孫球覆勘

總校官庶吉士<sub>臣</sub>何思鈞

校對官助教<sub>臣</sub>卜維吉

謄錄監生<sub>臣</sub>王錫光

欽定四庫全書

稼軒詞卷三

宋 辛棄疾 撰

新荷葉

和趙德  
莊韻

人已歸來杜鵑欲勸誰歸綠樹如雲等閒付與鷓鴣飛  
兔葵燕麥問劉郎幾度沾衣翠屏幽夢覺來水繞山圍  
有酒重攜小園隨意芳菲往日繁華而今物是人非春  
風半面記當年初識崔徽南雲雁少錦書無箇因依

又

再和前韻

春色如愁行雲帶雨纔歸春意長  
閒游絲盡日低飛  
閒愁幾許更晚風特地吹衣  
小窓人靜碁聲似解重圍  
光景難攜任他鷓鴣芳菲  
細數前愆不應詩酒皆非知  
音絃斷笑淵明空撫餘徽  
停盃對影待邀明月相依

又

再題傅巖雙悠然閣

種豆南山零落一頃為箕  
歲晚淵明也吟草盛苗稀  
風流剗地向樽前采菊題詩  
悠然忽見此山正繞東籬

千載襟期高情想像當時小閣橫空朝來翠撲人衣是  
中真趣問騁懷遊目誰知無心出岫白雲一片孤飛

又

趙茂嘉趙晉臣和韻見  
約初秋訪恣然再用韻

物盛還衰眼看春葉秋萁貴賤交情翟公門外人稀酒  
酣耳熱又何須幽憤裁詩茂林脩竹小園曲逕疎籬  
秋以為期西風黃菊開時拄杖敲門任他顛倒裳衣去  
年堪笑醉題詩醒後方知而今東望心隨去鳥先飛

又

上巳日吳子似謂  
古今無此詞索賦

曲水流觴賞心樂事良辰蘭蕙光風轉頭天氣還新明  
眸皓齒看江頭有女如雲折花歸去綺羅陌上芳塵  
能幾多春試聽啼鳥殷勤對景興懷向來愛樂紛紛且  
題醉墨似蘭亭別敘時人後之覽者亦將有感斯文

御街行

無題

闌干四面山無數  
供望眼朝與暮  
好風吹雨過  
山來吹盡一簾煩  
暑紗厨如霧  
簾紋如水別有生涼處  
冰肌不受鉛華污  
更旒旒真香聚  
臨風一曲最妖嬈  
唱得行

雲且住藕花都放木犀開後待與乘鸞去

又

山中問盛巖  
之提幹行期

山城甲子冥冥雨門外青泥路杜鵑只是等閒啼莫被  
他催歸去垂楊不語行人去後也會風前絮情知夢  
裏尋鷓鴣玉殿追班處怕君不飲太愁生不是苦留君  
住白頭笑我年年送客自歎春江渡

祝英臺近

晚春

寶釵分桃葉渡煙柳暗南浦怕上層樓十日九風雨斷

腸點點飛紅都無人管更誰勸流鶯聲住 鬢邊覩試  
把花卜歸期才簪又重數羅帳燈昏哽咽夢中語是他  
春帶愁來春歸何處却不解帶將愁去

又

與客飲瓢泉客以泉聲喧靜為問余醉未及會  
或者以蟬噪林逾靜代對意甚美矣翌日為此  
賦詞以  
褒之

水縱橫山遠近拄杖占千頃老眼羞明水底看山影試  
教水動山搖吾生堪笑似此箇青山無定 一瓢飲人  
間翁愛飛泉來尋箇中靜遠屋聲喧怎做靜中鏡我

眠君且歸休維摩方丈待天女散花時問

婆羅門引

別杜叔高叔高長於楚詞

落花時節杜鵑聲裏送君歸未消文字湘纍只怕蛟龍  
雲雨後會渺難期更何人念我老大傷悲已而已而  
算此意只君知記取岐亭買酒雲洞題詩爭如不見纔  
相見便有別離時千里月兩地相思

又

用韻別郭達道

綠陰啼鳥陽關未徹早催歸歌珠悽斷纍纍回首海山

何處千里共襟期  
歎高山流水絃斷堪悲  
中心悵而似風雨落花知  
更擬停雲君去細和陶詩  
見君何日待瓊林宴罷  
醉歸時人爭看寶馬來思

又用韻畲傳先之時  
傳先之宰龍泉歸

龍泉佳處種花滿  
縣却東歸腰間玉若金  
纍須信功名富貴長  
與少年期恨高山流水古  
調今悲卧龍暫而算  
天上有人知最好五十  
學易三百篇詩男兒  
事業看一日須有致  
君時端的了休便尋思

又

用韻會越  
晉臣敷文

不堪鷓鴣早教百草放春歸江頭愁殺塵纍却覺君侯  
雅句千載共心期便留春甚樂樂了須悲 瓊而素而  
被花惱只鴛知正要千鍾角酒五字裁詩江東日暮道  
繡斧人去未多時還又要玉殿論思

又

趙晉臣敷文張燈甚盛索  
賦偶憶舊游末章因及之

落星萬點一天寶焰下層霄人間疊作仙鼇最愛金蓮  
側畔紅粉裊花梢更鳴鼉擊鼓噴玉吹簫 曲江畫橋

記花月可憐宵想見閒愁未了宿酒纔消東風搖蕩似  
楊柳十五女兒腰人共柳那箇無聊

千年調

開山徑得石壁因名曰蒼壁事  
出望外意天之所賜邪喜而賦

左手把青霓右手挾明月吾使豐隆前導叫開閭闔周  
遊上下徑入寥天一覽玄圃萬斛泉千丈石 鈞天廣  
樂燕我瑤之席帝飲予觴甚樂賜汝蒼壁璘珣突兀正  
在一丘壑余馬懷僕夫悲下恍惚

又

蕉菴小閣名曰卮  
言作此詞以嘲之

卮酒向人時和氣先傾倒最要然然可萬事稱好滑  
稽坐上更對鷓鴣夷笑寒與熱總隨人甘國老少年使  
酒出口人嫌拗此箇和合道理近日方曉學人言語未  
會十分巧看他們得人憐秦吉了

粉蝶兒

和趙晉臣敷  
文賦落梅

昨日春如十三女兒學繡一枝枝不教花瘦甚無情便  
下得雨僂風憊向園林鋪作地衣紅縐而今春似輕  
薄蕩子難久記前時送春歸後把春波都釀作一江醇

酌約清愁楊柳岸邊相候

千秋歲

金陵壽史帥致  
道時有版築役

塞垣秋草又報平安好樽俎上英雄表金湯生氣象珠  
玉霏譚笑春近也春花得似人難老莫惜金樽倒鳳  
詔看看到留不住江東小從容帷幄裏整頓乾坤了千  
百歲從今盡是中書考

江神子

和人  
韻

賸雲殘日弄陰晴晚山明小溪橫枝上綿蠻休作斷腸

聲但是青山山下路青到處總堪行  
當年綵筆賦蕪城憶平生若為情  
試把靈槎歸路問君平花底夜深寒  
較甚須拚却玉山傾

又

梨花著雨晚來晴月朧明淚縱橫  
繡閣香濃深鎖鳳簫聲未必人知  
春意思還獨自遠花行酒兵昨夜壓愁  
城太狂生轉關情寫盡胸中磊未全  
平却與平章珠玉價看醉裏錦囊傾

又

和陳仁  
和韻

玉簫聲遠憶騷鸞  
幾悲歡帶羅寬  
且對花前痛飲莫留  
殘歸去小窓明月在雲一縷玉千竿  
吳霜應點鬢雲  
斑綺窓閒夢連環  
說與東風歸興有無間  
芳草姑蘇臺  
下路和淚看小屏山

又

寶釵飛鳳鬢驚鸞  
望重歡水雲寬  
腸斷新來翠被粉香  
殘待得來時春盡也  
梅結子笋成竿  
湘筠簾捲淚痕

斑珮聲閒玉垂環箇裏溫柔容我老其間却笑平生三  
羽箭何日去定天山

又 和人韻

梅梅柳柳鬪纖穠亂山中為誰容試著春衫依舊怯東  
風何處踏青人未去呼女伴認驕驄 兒家門戶幾重  
重記相逢畫樓東明日重來風雨暗殘紅可惜行雲春  
不管裙帶褪鬢雲鬆

又

博山道中  
書王氏壁

一川松竹任橫斜有人家被雲遮雪後疎梅時見兩三  
花比著桃源溪上路風景好不爭些 旗亭有酒徑須  
賒晚寒咱怎禁他醉裏匆匆歸騎自隨車白髮蒼顏吾  
老矣只此地是生涯

又

聞蟬蛙  
戲作

簾鋪湘竹帳籠紗醉眠些夢天涯一枕驚回水底沸鳴  
蛙借問喧天成鼓吹良自苦為官耶 心空喧靜不爭  
多病維摩意云何掃地燒香且看散天花斜日綠陰枝

上噪還又問是蟬麼

又

送元濟之  
歸豫章

亂雲擾擾水潺潺笑溪山幾時閒更覺桃源人去隔僊

凡

桃源乃王氏酒壚  
與濟之送別處

萬壑千巖樓外雪瓊作樹玉為欄

倦遊回首且加餐短篷寒畫圖間見說嬌顰擁髻待  
君看二月東湖湖上路官柳嫩野梅殘

又

賦梅寄  
余叔良

暗香橫路雪垂垂晚風吹曉風吹花意爭春先出歲寒

金史卷之三  
卷三  
枝畢竟一年春事了緣太早却成遲  
未應全是雪霜  
姿欲開時未開時粉面朱唇一半點胭脂醉裏誇花花  
莫恨渾冷澹有誰知

又

別吳子似未  
寄潘德久

看君人物漢西都過吾廬笑談初便說公卿元自要通  
儒一自梅花開了後長怕說賦歸歟而今別恨滿江  
湖怎消除算何如杖屨當時聞早放教疎今代故交新  
貴後渾不寄數行書

又

侍者請先生  
賦詞自壽

兩輪屋角走如梭，大忙些，怎禁他。擬倩何人，天上勸羲娥。宛似從容來左右，傾美酒，聽高歌。人生今古不消磨。積教多，似塵沙，未必堅牢。剗地實堪嗟。莫道長生學不得，學得後，待如何。

又

和李能伯韻  
呈趙晉臣

五雲高處望西清，玉階升，棣華榮。築屋溪頭，樓觀畫難成。長夜笙歌還起，問誰放月又西沉。家傳鴻寶，舊知

金史卷之三  
卷三  
名看長生奉巖宸且把風流水北畫耆英咫尺西風詩  
酒社石鼎句要彌明

青玉案

元夕

東風夜放花千樹更吹落星如雨寶馬雕車香滿路鳳  
簫聲動玉壺光轉一夜魚龍舞蛾兒雪柳黃金縷笑  
語盈盈暗香去衆裏尋它千百度驀然回首那人却在  
燈火闌珊處

感皇恩

滁州壽  
范倅

春事到清明十分花柳喚得笙歌勸君酒酒如春好春色年年依舊青春元不老君知否 席上看君竹清松瘦待與青春鬪長久三山歸路明日天香襟袖更持金盞起為君壽

又

七十古來稀人人都道不是陰功怎生到松姿雖瘦偏耐雪寒霜曉看君雙鬢底青青好 樓雪初晴庭闈嬉笑一醉何妨玉壺倒從今康健不用靈丹仙草更看一

金瓶梅詞話卷三  
百歲人難老

又慶嫗母王  
恭人七十

七十古來稀未為希有須是榮華更長久滿牀靴笏羅  
列兒孫新婦精神渾似箇西王母 遙想畫堂兩行紅  
袖妙舞清歌擁前後大男小女逐箇出來為壽一箇一  
百歲一盃酒

又讀莊子聞朱  
晦菴即世

案上數編書非莊即老會說忘言始知道萬言千句不

自能忘堪笑今朝梅雨霽青天好  
一壑一丘輕衫短帽白髮多時故人少子雲何在應有玄經遺草江河流  
日夜何時了

又

壽鉛山陳  
丞及之

富貴不須論公應自有且把新詞祝公壽當年僊桂父  
子同攀希有人言金殿上他年久冠冕在前周公拜  
手同日催班魯公後此時人羨綠鬢朱顏依舊親朋來  
賀喜休辭酒

行香子

三山作

好雨當春要趁歸耕況而今已是清明小窓坐地側聽  
簷聲恨夜來風夜來月夜來雲 花絮飄零鷺燕丁寧  
怕妨儂湖上閣行天心肯後費甚心情放霎時陰霎時  
雨霎時晴

又

山居容至

白露園蔬碧水溪魚笑先生釣罷還鋤小窓高卧風展  
殘書看北山移盤谷序輞川圖 白飯青芻赤腳長鬚

客來時酒盡重沽聽風聽雨吾愛吾廬歎苦無心剛自瘦此君疎

又

博山戲呈趙  
昌甫韓仲止

少日嘗聞富不如貧貴不如賤者長存由來至樂總屬閒人且飲瓢泉弄秋水看停雲 歲晚情親老語彌真記前時觀我慙慙都休殢酒也莫論文把相牛經種魚法教兒孫

又

雲巖  
道中

雲岫如簪野漲按藍向春闌綠醒紅酣青裙縞袂兩兩  
三三把麩生禪玉版局一時叅拄杖彎環過眼嵌巖  
岸輕烏白髮鬢鬢他年來種萬桂千杉聽小綿蠻新格  
磔舊呢喃

一剪梅

游蔣山呈  
葉丞相

獨立蒼茫醉不歸日暮天寒歸去來兮探梅踏雪幾何  
時今我來思楊楊依依白石崗頭曲岸西一片閒愁  
芳草萋萋多情山鳥不須啼桃李無言下自成蹊

又

中秋  
無月

憶對中秋月桂叢花在盃中月在盃中今宵樓上一尊  
同雲溼紗窓雨濕紗窓 渾欲乘風問化工路也難通  
信也難通滿堂惟有燭花紅盃且從容歌且從容

踏莎行

庚戌中秋後二夕  
帶湖篆岡小酌

夜月樓臺秋香院宇笑吟吟地人來去是誰秋到便淒  
涼當年宋玉悲如許 隨分盃盤等閒歌舞問他有甚  
堪悲處思量却也有悲時重陽節近多風雨

又賦木  
犀

弄影闌干吹香巖谷枝  
枝點點黃金粟  
未堪收拾付薰  
爐窓前且把離騷讀  
奴僕葵花兒曹金菊一枝風露  
清涼足傍邊只欠箇姮娥  
分明身在蟾宮宿

又

賦稼軒  
集證句

進退存亡行藏用舍  
小人請學樊須稼  
衡門之下可棲  
遲日之夕矣牛羊下  
去衛靈公遭桓司馬  
東西南北  
之人也長沮桀溺耦而耕  
丘何為是栖栖者

又 和趙國興  
知錄韻

吾道悠悠憂心悄悄最無聊處秋光到西風林外有啼  
鴉斜陽山下多衰草長憶南山當年四老塵埃也走  
咸陽道為誰書到便幡然至今此意無人曉

定風波 暮春  
漫興

少日春懷似酒濃插花走馬醉千鍾老去逢春如病酒  
唯有茶甌香篆小簾櫳卷盡殘花風未定休恨花開  
元自要春風試問春歸誰得見飛燕來時相遇夕陽中

又 大醉歸自葛園家人有  
痛飲之戒故書于壁

昨夜山翁倒載歸兒童應笑醉如泥試與扶頭渾未醒  
休問夢魂猶在葛家溪 欲覓醉鄉今古路知處溫柔  
東畔白雲西起向綠窓高處看題徧劉伶元自有賢妻

又

用藥名招婺源馬荀  
仲游雨巖馬善醫

山路風來草木香雨餘涼意到胡牀泉石膏肅吾已甚  
多病隄防風月費篇章 孤負尋常山間醉獨自應知  
揚子草玄忙湖海早知身汗漫誰伴只甘松竹共淒涼

又

藥名

仄月高寒水石鄉倚空青碧對禪房白髮自憐心似鐵  
風月史君仔細與平章平昔生涯筇竹杖來往却慚  
沙鳥笑人忙便好賸留黃卷句誰賦銀鈎小草晚天涼

又

施樞密聖  
與席上賦

春到蓬壺特地晴神仙隊裏相公行翠玉相挨呼小字  
須記笑簪花底是飛瓊總是傾城來一處誰妬惟攜  
歌舞到園亭柳妬腰肢花妬艷聽著流鶯直是妬歌聲

又席上送范先  
之海建業

聽我樽前醉後歌人生無奈別離何但使情親千里近  
須信無情對面是山河寄語石頭城下水居士而今  
渾不怕風波借使未成鷗鷺伴經慣也應學得老漁蓑

又

三山送盧國華提  
刑約上元重來

少日猶堪話別離老來怕作送行詩極目南雲無雁過  
君看梅花也解寄相思無限江山行未了父母不須  
和淚看旌旗後會丁寧何日是須記春風十里放燈時

又 用韻時國華置  
酒歌舞甚盛

莫望中州歎黍離  
元和盛德要君詩  
老去不堪誰似我  
歸卧青山活計費尋思  
誰築詩壇高十丈  
直上看君  
斬將夏寨旗  
歌舞正濃  
還有語記取  
鬚髯不似少年時

又 自和

金印累累佩陸離  
河梁更賦斷腸詩  
莫擁旌旗真箇去  
何處玉堂元自要論思  
且約風流三學士  
同醉春風  
看試幾槍旗  
從此酒酣  
明月夜耳熱  
那邊應是說儂時

又

賦杜鵑花

百紫千紅過了春杜鵑聲苦不堪聞却解啼教春小住  
風雨空山招得海棠魂 恰似蜀宮當日女無數猩猩

血染赭羅巾畢竟花開誰作主記取大都花屬惜花人

又

再用韻和趙晉臣教文

野草間花不當春杜鵑却是舊知聞謾道不如歸去住  
梅雨石榴花又是離魂 前殿羣臣深殿女異數赭袍  
一點萬紅巾莫問興亡今幾許聽取花前毛羽已羞人

破陣子

為范南伯壽時南伯為張南軒拜宰  
盧溪南伯遲遲未行因作此以勉之

擲地劉郎玉斗挂帆西子扁舟千古風流今在此萬里  
功名莫放休君王三百州燕雀豈知鴻鵠貂蟬元出

兜鍪却笑盧溪如斗大肯把牛刀試手不壽君雙玉甌

又

為陳同甫賦  
壯詩以寄之

醉裏挑燈看劍夢回吹角連營八百里分麾下餉五十  
絃翻塞外聲沙場秋點兵馬作的盧飛快弓如霹靂  
弦驚了却君王天下事贏得生前身後名可憐白髮生

又贈  
行

少日春風滿眼而今秋葉辭柯便好消磨心下事也憶  
尋常醉後歌新來白髮多明日扶頭顛倒倩誰伴舞  
婆婆我定思君拚瘦損君不思兮可奈何天寒將息呵

又

趙晉臣數文幼  
女縣主覓詞

菩薩蒙中惠眼碩人詩裏蛾眉天上人間真福相畫就  
描成好靨兒行時嬌更遲勸酒偏多最劣笑時猶有  
些痴更著十年君看取兩國夫人更是誰殷勤秋水詞

又

峽石道中有懷  
吳子似懸尉

宿麥畦中雉雊桑葉陌上蠶生騎火須防花月暗玉唾  
長攜綵筆行隔牆人笑聲莫說弓刀事業依然詩酒

功名千載途中今古事萬石溪頭長短亭小塘風浪平

時修園經集亭堆  
途中之途當作園

臨江仙 探梅

老去惜花心已懶愛梅猶遠江村一枝先破玉溪春更  
無花態度全是雪精神 曠向青山餐秀色為渠著句

清新竹根流水帶溪雲醉中渾不記歸路月黃昏

又

醉宿崇福寺寄祐之弟祐之以僕先歸

莫向空山吹玉笛壯懷酒醒心驚四更霜月曉寒生被  
翻紅錦浪酒滿玉壺冰小陸未須臨水笑山林我輩  
鍾情今宵依舊醉中行試尋殘菊處中路候淵明

又

再用韻送祐之弟歸浮梁

鍾鼎山林都是夢人間寵辱休驚只消閒處過平生酒  
盃秋吸露詩句夜裁冰記取小窓風雨夜對牀燈火

多情問誰千里伴君行  
曉山眉樣翠秋水鏡般明

又

小靨人憐都惡瘦  
曲眉天與長顰  
沉思歡事惜腰身  
枕添離別淚粉落却深旬  
翠袖盈盈渾力薄  
玉笙嫋嫋愁新  
夕陽依舊倚窓塵  
葉紅苔鬱碧深院斷無人

又

逗曉鶯啼聲昵昵  
掩闌高樹冥冥  
小渠春浪細無聲  
井窓聽夜雨出蘇軾轡青  
碧草旋荒金谷路  
烏絲重記

蘭亭彊扶殘醉遠雲屏一枝風露濕花重入疎櫺

又

即席和韓南澗韻

風雨催春寒食近平原一片丹青溪頭喚渡柳邊行花  
飛蝴蝶亂桑嫩野蠶生綠野先生閒袖手却尋詩酒  
功名未知明日定陰晴今宵成獨醉却笑衆人醒

又

為岳母壽

住世都知菩薩行仙家風骨精神壽如山岳福如雲金  
花湯沐誥竹馬綺羅裙更願昇平添喜事大家禱祝

殷勤明年此地慶佳辰一盃千歲酒重拜太夫人

又

和信守王道夫韻謝  
以為壽時僕作閭憲

記取年年為客夜只今明月相隨莫教絃管便生衣引  
壺觴自酌須富貴何時入手清風詞更好細書白蠟  
烏絲海山問我幾時歸棗瓜如可啖直欲覓安期

又

春色饒君白髮了不妨倚綠偎紅翠鬟催喚出房櫳垂  
肩金縷窄醺甲寶杯濃睡起鴛鴦飛燕子門前沙暝

泥融畫樓人把玉西東舞低花外月唱徹柳邊風

又

金谷無煙宮樹綠嫩寒生怕春風博山微透暝薰籠小  
樓春色裏幽夢雨聲中別浦鯉魚何日到錦書封恨  
重重海棠花下去年逢也應隨分瘦忍淚覓殘紅

又

戲為期思  
磨老壽

手種門前烏桕樹而今千尺蒼蒼田園只是舊耕桑盃  
盤風月夜簫鼓子孫忙七十五年無事客不妨兩鬢

如霜綠窓剡地調紅粧更從今日醉三萬六千場

又

手撚黃花無意緒等閒行盡回廊捲簾芳桂散餘香枯  
荷難睡鴨疎雨暗添塘憶得舊時攜手處如今水遠  
天長羅巾浥淚別殘粧舊歡新夢裏閒處却思量

又

和葉仲洽  
賦羊桃

憶醉三山芳樹下幾曾風韻忘懷黃金顏色五花開味  
如盧橘熟貴似荔枝來聞道商山餘四老橘中自釀

金天口石ノ三  
卷三  
秋醅試呼名品細推排重重香肺腑偏殢聖賢盃

又

冷雁寒雲渠有恨春風自滿余懷更教無日不花開未  
須愁菊盡相次有梅來 闕

醅 闕

多要安排不須連日醉且進兩三盃

又

侍者阿錢將行  
賦錢字以贈之

一自酒情詩興嬾舞裙歌扇闌珊好天良夜月團團杜  
陵真好事留得一錢看 歲晚人欺程不識怎教阿堵

留連楊花榆莢雪漫天從今花影下只看綠苔圓

又

諸葛元亮席上  
見和再用韻

夜雨南堂新瓦響三更急漏珊珊交情莫作碎沙團死  
生貧富際試向此中看 記取他年耆舊傳與君名字  
牽連清風一枕晚涼天覺來還自笑此夢倩誰圓

又

壬戌歲生  
日書懷

六十三年無限事從頭悔恨難追已知六十二年非只  
應今日是後日又尋思 少是多非惟有酒何須過後

方知從今休似去年時病中留客飲醉裏和人詩

又

再用圓  
字韻

窄樣金盃休教了房櫳試聽珊珊莫教秋扇雪團團古  
今悲笑事長付後人看 記取桔槔春雨後短畦菊艾  
相連拙於人處巧於天君看流水地難得正方圓

又

戲為山園  
蒼壁解嘲

莫笑吾家蒼壁小稜層勢欲摩空相知惟有主人翁有  
心雄泰華無意巧玲瓏 天作高山難得料解嘲試倩

揚雄君看當日仲尼窮從人賢子貢自欲學周公

又

簪花屢  
墮戲作

鼓子花開春爛熳荒園無限思量今朝拄杖過西鄉急  
呼桃葉渡為看牡丹忙 不管昨宵風雨橫依然紅紫  
成行白頭陪奉少年場一枝簪不住推道帽簷長

又

醉帽吟鞭花不住却招花共商量人生何必醉為鄉從  
教斟酒淺休更和詩忙 一斗百篇風月地饒他老子

當行從今三萬六千場青青頭上髮還作柳絲長

又

昨日得家報牡丹漸開連日少雨多晴當年未  
有僕留龍安蕭寺諸君亦不果來豈牡丹留不

住為恨耶因取來

韻為牡丹一語

祇恐牡丹留不住與君約束分明未開微雨半開晴要  
花開定準又更與花盟 魏紫朝來將進酒玉盤盃樣  
先呈靸紅似向舞腰橫風流人不見錦繡夜間行

又

老去渾身無著處天教只住山林百年光景百年心更

歡須歎息無病也呻吟 試向浮瓜沉李處清風散髮  
披襟莫嫌淺後更頻斟要他詩句好須是酒盃深

又

停雲  
偶作

偶向停雲堂上坐曉猿夜鶴驚猜主人何事太塵埃低  
頭還說向被召又重來 多謝北山山下老殷勤一語  
佳哉借君竹杖與芒鞋徑須從此去深入白雲堆

蝶戀花

和趙景明  
知縣韻

老去怕尋年少伴畫棟朱簾風月無人管公子看花朱

碧亂新詞攪斷相思怨  
涼夜愁腸千百轉一雁西風  
錦字何時遣畢竟啼烏才思短喚回曉夢天涯遠

又

和楊濟翁韻首句  
用丘宗卿書中語

檢點笙歌多釀酒蝴蝶西園暖日明花柳醉倒東風眠  
晝錦覺來小院重攜手  
可惜春殘風又雨收拾情懷  
閒把詩儔憇楊柳人兒離別後腰肢近日和他瘦

又

和楊濟翁韻錢范  
南伯知縣歸京口

淚眼送君傾似雨不折垂楊只倩愁隨去有底風光留

不住煙波萬頃春江艣  
老馬臨流癡不渡應惜障泥  
忘了尋春路身在稼軒安穩處書來不用多行數

又

席上贈楊  
濟翁侍兒

小小年華才月半羅幕春風幸自無人見剛道羞郎低  
粉面傍人瞥見回嬌盼昨夜西池陪女伴柳困花慵  
見說歸來晚勸客持觴渾未慣未歌先覺花頭顫

又

用趙文鼎提學送李正  
之提刑韻送鄭元英

莫向樓頭聽漏點說與行人默默情千萬總是離愁無

近遠人間兒女空悲怨 錦繡心胸冰雪面舊日詩名

曾道空梁燕傾蓋未償平日願一盃早唱陽關勸

又

客有燕語鶯啼人乍遠之句用為首句

燕語鶯啼人乍遠却恨西園依舊鶯和燕笑語十分愁  
一半翠圍特地春光暖 只道書來無過雁不道柔腸  
近日無腸斷柄玉莫搖湘淚點怕君喚作秋風扇

又

送祐之弟

衰草斜陽三萬頃不算飄零天外孤鴻影幾許淒涼須

痛飲行人自向江頭醒  
會少離多看兩鬢萬縷千絲  
何況新來病不是離愁難整頓被他引惹其他恨

又

元日  
立春

誰向椒盤簪綵勝整整韶華爭上春風鬢往日不堪重  
記省為花常把新春恨 春未來時先借問晚恨開遲  
早又飄零近今歲花期消息定只愁風雨無憑準

又

月下醉書  
雨巖石浪

九畹芳菲蘭佩好空谷無人自怨蛾眉巧寶瑟泠泠千

古調朱絲絃斷知音少  
冉冉年華吾自老水滿汀洲  
何處尋芳草喚起湘纍歌未了  
石龍舞罷松風曉

又

用前韻  
送人行

意態慙生元自好學畫鴉兒  
舊日偏他巧蜂蝶不禁花  
引調西園人去春風少  
春色無情秋又老誰管閒愁  
千里青青草今夜情簪黃菊了  
斷腸明日霜天曉

又

洗盡機心隨法喜看取樽前秋思  
如春意誰與先生寬

髮齒醉時惟有歌而已 歲月何須溪上記千古黃花  
自有淵明比高卧石龍呼不起微風不動天如醉

又

何物能令公怒喜山要人來人要山無意恰似哀箏絃  
下齒千情萬意無時已 自要溪堂韓作記今代雲梯  
好語花難比老眼狂花空亂處銀鈎未見心先醉

小重山

席上和人韻送  
李子永提幹

旋製離歌唱未成陽闌先畫出柳邊亭中年懷抱管絃

聲難忘處風月此時情  
夜雨共誰聽儘教清夢去兩  
三程商量詩價重連城相如老漢殿舊知名

又

三山與客  
泛西湖

綠漲連雲翠拂空十分風月處著衰翁垂楊影斷岸西  
東君恩重教且種芙蓉十里水晶宮有時騎馬去笑  
兒童殷勤却謝打頭風船兒住且醉浪花中

又

茉莉

倩得薰風染綠衣國香收不起透冰肌畧開些箇未多

時窓兒外却早被人知  
越惜越嬌癡一枝雲鬢上那  
人宜莫將他去比茶蘼分明是他更韻些兒

南鄉子

隔戶語春鶯纔掛簾兒  
欵袂行漸見凌波羅襪步盈盈  
隨笑隨顰百媚生  
著意聽新聲盡是司空自教成  
今夜酒腸難道窄多情  
莫放紗籠蠟炬明

又

舟中  
記夢

歌枕艣聲邊貪聽啞啞  
聒醉眠夢裏笙歌花底去依然

翠袖盈盈在眼前 別後兩眉尖欲說還休夢已闌只  
記埋冤前夜月相看不管人愁獨自圓

又

慶前岡周  
氏旌表

無處著風光天上飛來詔十行父老歡呼童穉舞前岡  
千載周家孝義鄉 草木盡芬芳更覺溪頭水也香我  
道烏頭門側畔諸郎準備他年畫錦堂

又

送趙國宜赴  
高安戶曹

日日老萊衣更解風流蠟鳳嬉膝上放教文度去須知

要使人看玉樹枝  
刺記乃翁詩綠水紅蓮覓舊題歸  
騎春衫花滿路相期來歲流觴曲水時

又

登京口北  
固亭有懷

何處望神州滿眼風光北固樓  
千古興亡多少事悠悠  
不盡長江滾滾流  
年少萬兜鍪坐斷東南戰未休  
天下英雄誰敵手曹劉生子當如孫仲謀

鷓鴣天

離豫章別司  
馬漢章大監

聚散匆匆不偶然三年歷遍楚山川  
但將痛飲酬風月

莫放離歌入管絃  
縈綠帶點青錢  
東湖春水碧連天  
明朝放我東歸去  
後夜相思月滿船

又

和張子  
志提舉

別後粧成白髮新  
空教兒女笑陳人  
醉尋夜雨旗亭酒  
夢斷東風輦路塵  
騎鯨駢荷青雲看  
公冠佩玉階春  
忠言句句唐虞際  
便是人間要路津

又

樽俎風流有幾人  
當年未遇已心親  
金陵種柳歡娛地

庾嶺逢梅寂寞濱  
樽似海筆如神  
故人南北一般春  
玉人好把新粧樣  
淡畫眉兒淺注唇

又

代人賦

晚日寒鴉一片愁  
柳塘新綠却溫柔  
若教眼底無離恨  
不信人間有白頭  
腸已斷淚難收  
相思重上小紅樓  
情知已被雲遮斷  
頻倚闌干不自由

又

陌上柔桑破嫩芽  
東隣蠶種已生些  
平岡細草鳴黃犢

斜日寒林點暮鴉 山遠近路橫斜 青旗沽酒有人家  
城中桃李愁風雨 春在溪頭薺菜花

又

撲面征塵去路遙 香篝漸覺水沉銷 山無重數週遭碧  
花不知名分外嬌 人歷歷馬蕭蕭 旌旗又過小紅橋  
愁邊剩有相思句 搖斷吟鞭碧玉梢

又

唱徹陽關淚未乾 功名餘事且加餐 浮天水送無窮樹

帶雨雲埋一半山  
今古恨幾千般  
只今離合是悲歡  
江頭未是風波惡  
別有人間行路難

又

鵝湖道中

一榻清風殿影涼  
涓涓流水響回廊  
千章雲木鈎輶叫  
十里溪風擺棹香  
衝急雨趨斜陽  
山園細路轉微茫  
倦途却被行人笑  
只為林泉有底忙

又

鵝湖歸病起作

枕簟溪堂冷欲秋  
斷雲依水晚來收  
紅蓮相倚渾如醉

白鳥無言定自愁 書吐吐且休休一丘一壑也風流  
不知筋力衰多少但覺新來嬾上樓

又

指點芳樽特地開風帆莫引酒船回方驚共折津頭柳  
却喜重尋嶺上梅 催月上喚風來莫愁瓶罄恥金罍  
只愁畫角樓頭起急管哀絃次第催

又

著意尋梅嬾便回何如信步兩三盃山纔好處行還倦

詩未成時雨早催  
攜竹杖更芒鞋  
朱朱粉粉野蒿開  
誰家寒食歸寧女  
笑語柔桑陌上來

又

翠木千尋上薜蘿  
東湖經雨又增波  
只因買得青山好  
却恨歸來白髮多  
明晝燭洗金荷  
主人起舞客高歌  
醉中只恨歡娛少  
無奈明朝酒醒何

又

困不成眠奈夜何  
情知歸未轉愁多  
暗將往事思量遍

誰把多情惱亂他 些底事誤人多不成真箇不思家  
嬌癡却如香魂睡喚起醒鬆說夢些

又

鄭守厚卿席上謝  
余伯山用其韻

夢斷京華故倦游 只今芳草替人愁 陽關莫作三疊唱  
越女應須為我留 看逸韻自名流 青衫司馬且江州  
君家兄弟真堪笑 箇箇能修五鳳樓

又

和人龍  
有所贈

起得西風汗漫游 見他歌後怎生愁 事如芳草春長在

人似浮雲影不留  
眉黛斂眼波流  
十年薄倖說揚州  
明朝短棹輕衫夢  
只在溪南菴畫樓

又

徐衡仲撫幹  
患琴不受

千丈陰崖百丈溪  
孤桐枝上鳳偏宜  
玉香落落雖難合  
橫理庚庚定自竒

山谷聽摘阮歌云  
立壁庚庚有橫理

人散後月明時試

彈幽憤淚空垂  
不如却付騷人手  
留和南風解愠詩

又

用前韻和趙文  
昂提舉賦雪

莫上扁舟訪剡溪  
淺斟低唱正相宜  
從教犬吠千家白

且與梅成一段奇  
香暖處酒醒時  
畫簷玉筍已偷垂  
笑君解釋春風恨  
情拂蠻牋只費詩

又

重九  
席上

戲馬臺前秋雁飛  
管絃歌舞更旌旗  
要知黃菊清高處  
不入當年二謝詩  
傾白酒遠東籬  
只於陶令有心期  
明朝九日渾瀟灑  
莫使樽前欠一枝

又

有甚閒愁可皺眉  
老懷無緒自傷悲  
百年旋逐花陰轉

萬事長看鬢髮知  
溪上枕竹間棋怕尋酒伴嬾吟詩  
十分筋力誇彊健只比年來病起時

又

送范先  
之秋試

白苧新袍入院涼  
春蠶食葉響迴廊  
禹門已準桃花浪  
月殿先收桂子香  
鵬北海鳳朝陽  
又攜書劍路茫茫  
明年此日青雲上  
却笑人間舉子忙

又

一夜清霜變鬢絲  
怕愁剛把酒禁持  
玉人今夜相思不

想見頻將翠枕移 真箇恨未多時也應香雪減些兒  
菱花照面須頻記曾道偏宜淺畫眉

又

送歐陽國  
編入吳中

莫避春陰上馬遲春來未有不陰時人情輾轉閒中看  
客路崎嶇倦後知 梅似雪柳如絲試聽別語慰相思  
短篷炊飯鱸魚熟除却松江枉費詩

又

水落山高一夜霜北風驅雁又離行無言每覺情懷好

不飲能令興味長  
頻聚散試思量為誰春草夢池塘  
中年長作東山恨莫遣離歌苦斷腸

又

席上再用韻

水底明霞十頃光  
天教鋪錦襯鴛鴦最憐楊柳如張緒  
却笑蓮花似六郎  
方竹簟小胡牀  
晚來消得許多涼  
背人白鳥都飛去  
落日殘鴉更斷腸

又

石門道中

山上飛泉萬斛珠  
懸崖千丈落巉巖  
已通樵逕行還碍

似有人聲聽却無  
閒畧約遠浮屠  
溪南脩竹有茅廬  
莫嫌杖屨頻來往  
此地徧宜著老夫

又

敗棋罰  
賦梅雨

漠漠輕陰撥不開  
江南細雨熟黃梅  
有情無道東邊日  
已怒重驚忽地雷  
雲拄礎水侵臺  
羅衣費盡博山灰  
當時一識和羹味  
便道為霖消息來

又

黃沙道  
中即事

句裏春風正剪裁  
溪山一片畫圖開  
輕鷗自趁虛船去

荒犬還迎野婦回  
松共竹翠成堆  
要擎殘雪鬪踈梅  
亂鴉畢竟無才思  
時把瓊瑤蹴下來

又

元漢不見梅

千丈冰溪百步雷  
柴門都向水邊開  
亂雲騰帶炊煙去  
野水閒將日影來  
穿窈窕過崔嵬  
東林試問幾時栽  
動搖意態雖多竹  
點綴風流却欠梅

又

戲題村舍

鷄鴨成羣晚未收  
桑麻長過屋山頭  
有何不可吾方美

要底都無飽便休  
新柳樹舊沙洲  
去年溪打却邊流  
自言此地生兒女  
不嫁余家即聘周

又  
春日即事題  
毛村酒壚

春日平原蒿菜花  
新耕雨後落羣鴉  
多情白髮春無奈  
晚日青帘酒易賒  
閒意態細生涯  
牛欄西畔有桑麻  
青裙縞袂誰家女  
去趁蠶生看外家

又  
睡起  
即事

采苻參差動綠波  
一池蛇影噤羣蛙  
因風野鶴飢猶舞

積雨山梅病不花 名利處戰爭多門前蠻觸日干戈  
不知更有槐安國夢覺南柯日未斜

又

石壁虛雲積漸高溪聲遠屋幾週遭自從一雨花零落  
却愛微風草動搖呼玉友薦溪毛殷勤野老著相邀  
杖藜忽避行人去認是翁來却過橋

又

送元濟之  
歸豫章

欹枕婆婆兩鬢霜起聽簷溜碎喧江那邊玉筋銷啼粉

這裏車輪轉別腸 詩酒社水雲鄉  
可看醉墨幾淋浪 畫圖却似歸家夢  
千里河山寸許長

又

尋菊花無  
有戲作

掩鼻人間臭腐場 古今惟有酒偏香  
自從來住雲煙畔 直到而今歌舞忙  
呼老伴共秋光 黃花何處避重陽  
要知爛漫開時節 直待西風一夜霜

又

席上吳子似諸友  
見和再用韻答之

翰墨諸公久擅場 胸中書傳許多香  
都無絲竹銜盃樂

却有龍蛇落筆忙  
閒意思老風光  
酒徒今有幾  
高陽黃花不怯西風冷  
只怕詩人兩鬢霜

又

自古高人最可嗟  
只因踈懶取名多  
居山一似庚桑楚  
種樹真成郭橐駝  
雲母飯水晶瓜  
林間攜客更烹茶  
君歸休矣吾忙甚  
要着蜂兒晚趁衙

又

三山道中

拋却山中詩酒窠  
却來官府聽笙歌  
閒愁做弄天來大

白髮栽培日許多  
新劔戟舊風波  
天生子嬾奈子何  
此身已覺渾無事  
却教兒童莫恁麼

又

點盡蒼苔色  
欲空竹籬茅舍  
要詩翁花餘歌舞  
歡娛外  
詩在經營慘澹中  
聽軟語笑衰容  
一枝斜墜翠鬟鬆  
淺顰深笑誰看  
醉看取蕭然林下風

又

用前韻賦梅三山梅開  
時猶有青葉予時病齒

病繞梅花酒不空  
齒牙牢在莫欺翁  
恨無飛雪青松畔

却放疎花翠葉中  
冰作骨玉為容  
當年宮額鬢雲鬆  
直須爛漫燒銀燭  
橫笛難看一夜風

又

桃李漫山過眼空也  
宜惱損杜陵翁  
若將玉骨冰姿比  
李蔡為人在下中  
尋驛使寄芳容  
隴頭休放馬蹄鬆  
吾家籬落黃昏後  
剩有西湖處士風

又  
有感

出處從來自不齊  
後車方載太公歸  
誰知寂寞空山裏

却有高人賦采薇 黃菊嫩晚香枝一般同是采花時  
蜂兒辛苦多官府蝴蝶花間自在飛

又

讀淵明詩不能去手  
戲作小詞以送之

晚歲躬耕不怨貧隻雞斗酒聚比隣都無晉宋之間事  
自是羲皇以上人 千載後百篇存更無一字不清真  
若教王謝諸郎在未抵柴桑陌上塵

又

髮底青青無限春殘紅飛雪謾紛紛黃花也伴秋光老

何似樽前見在身 書萬卷筆如神  
眼看同輩上青雲 箇中不許兒童會  
只恐功名更過人

又

戊午拜復職  
奉祠之命

老退何曾說著官 今朝放罪上恩寬  
便支香火真祠奉 更綴文書舊殿班  
扶病脚洗衰顏 快從老病借衣冠  
此身忘世渾容易 使世相忘却自難

又

和趙晉臣  
數文韻

綠鬢都無白髮侵 醉時拈筆越精神  
愛將蕪語追前事

更把梅花比那人 回急雪過行雲近時歌舞舊時情  
君侯要識誰輕重看取金盃幾許深

又 和傅先之  
提舉賦

泉上長吟我獨清喜君未共雪爭明已驚竝水鷗無色  
更怪行沙蟹有聲 添爽氣動雄城竒因六出憶陳平  
却嫌烏雀投林去觸破當樓雲母屏

又 博山  
寺作

不向長安路上行却教山寺厭逢迎味無味處求吾樂

材不材間過此生 寧作我豈其鄉人間走遍却歸耕  
一松一竹真朋友 山鳥山花好弟兄

又

不寐

老病那堪歲月侵 霎時光景值千金 一生不負溪山債  
百藥難醫書史淫 隨巧拙任浮沉 人無同處面如心  
不妨舊事從頭記 要寫行藏入笑林

又

有客慨然談功名因追念少年時事戲作

壯歲旌旗擁萬夫 錦襜突騎渡江初 燕兵夜娖銀

側角切

銀

胡鞞漢箭朝飛金僕姑  
追往事歎今吾春風不染白  
鬢鬚却將萬字平戎策  
換得東家種樹書

又

祝良顯家  
牡丹一本

占斷雕欄只一株  
春風費盡幾工夫  
天香夜染衣猶濕  
國色朝酣醉未蘇  
嬌欲語巧相扶  
不妨老幹自扶疎  
恰如翠幙高堂上  
來看紅衫百子圖

又

賦牡丹主人以  
語花索賦解嘲

翠蓋牙籤數百株  
楊家姊妹夜游初  
五花結隊香如霧

一朶傾城醉未蘇  
閒小立困相扶  
夜來風雨有情無  
愁紅慘綠今宵看  
恰似吳宮教陣圖

又

再賦

濃紫深黃一畫圖  
中間更有玉盤盂  
先裁翡翠裝成蓋  
更點胭脂染透酥  
香灑灑錦模糊  
主人長得醉工夫  
莫攜弄玉欄邊去  
羞得花枝一朶無

又

去歲花枝把酒盃  
雪中曾見牡丹開  
而今紈扇薰風裏

又見疎枝月下梅  
歡幾許醉方回  
明朝歸路有誰催  
低聲待向他家道  
帶得歌聲滿耳來

又

壽吳子似縣尉  
時攝事城中

上已風光好放懷  
故人猶未看花回  
茂林映帶誰家竹  
曲水流傳第幾盃  
摘錦繡寫瓊瑰  
長年富貴屬多才  
要知此日生男好  
曾有周公被襪來

又

寄葉仲洽

是處移花是處開  
古今興廢幾池臺  
背人翠羽偷魚去

抱藥黃鬚起蝶來  
掀老甕撥新醅客來且盡兩三盃  
日高盤饌供何晚市遠魚鮭買未回

又

登一丘一  
壑偶成

莫帶春光花下游便須準備落花愁百年雨打風吹却  
萬事三平二滿休將擾擾付悠悠此生於世百無憂  
新愁次第相拋舍要伴春歸天盡頭

又

和吳子似  
山行韻

誰共春光管日華朱朱粉粉野蒿花閒愁投老無多子

酒病而今較減些  
山遠近路橫斜  
正無聊處管絃譁  
去年醉後猶能記  
細數溪邊第幾家

又

過峽石用韻  
答吳子似

歎息頻年廩未高新詞空賀此丘  
遭遙知醉帽時時落  
見說吟鞭步步搖  
乾玉唾禿錐毛  
只今明月費招邀  
最憐烏鵲南飛句  
不解風流見二喬

又

吳子似  
過秋水

秋水長廊水石間  
有誰來共聽潺潺  
羨君人物東西晉

分我詩名大小山 窮自樂晚方閒  
人間路窄酒盃寬  
看君不了癡兒事 又似風流靖長官

又

和章泉  
趙昌父

萬事紛紛一笑中 淵明把菊對秋風  
細看爽氣今猶在  
惟有南山一似翁 情味好語言工  
三賢高致古來同  
誰知止酒停雲老 獨立斜陽數過鴻

瑞鷓鴣

京口有懷  
山中故人

暮年不賦短長詞 和得淵明數首詩  
君自不歸歸甚易

今猶未足足何時  
偷閒定向山中老  
此意須教鶴輩  
知聞道只今秋水  
上故人曾榜北山移

又

京口病中起登  
連滄觀偶成

聲名少日畏人知  
老去行藏與願違  
山草舊曾呼遠志  
故人今有寄當歸  
何人可覓安心法  
有客來觀杜德  
機却笑使君那得  
似清江萬頃白鷗飛

又

膠膠擾擾幾時休  
一出山來不自由  
秋水觀中秋月夜

停雲堂下菊花秋  
隨緣道理應須會  
過分功名莫彊  
求先自一身愁  
不了那堪愁上更添愁

又


乙丑奉祠歸  
舟次餘干賦

江頭日日打頭風  
憔悴歸來邴曼容  
鄭賈正應求死鼠  
葉公豈是好真龍  
孰居無事陪犀首  
未辨求封遇萬  
松却笑千年曹孟德  
夢中相對也龍鍾

又

期思溪上日千回  
樟木橋邊酒數盃  
人影不隨流水去

醉顏重帶少年來  
踈蟬響澀林逾靜  
冷蝶飛輕菊半  
開不是長卿終慢世  
只緣多病又非才



稼軒詞卷三